

分再服亦可加半夏四兩湯洗去滑則用之

又方橘皮半斤枳實四枚生薑半斤水四升煮取二升分再服
又方枳實桂等分搗末橘皮湯下方寸七日三服

仲景方神效

又方桂烏喙乾薑各一分人參細辛茱萸各二分貝母二分合
搗蜜和丸如小豆大一服三丸日三服之

若已差復發者

下韭根五斤搗絞取汁飲之愈

附方

杜壬治胸膈痛徹背心腹痞滿氣不得通及治痰嗽

道藏輯要

肘後備急方

頁

虛集十

大栝藁去穰取子熟炒別研和子皮麩糊爲丸如梧桐子大
米飲下十五丸

治卒胃反嘔哕方第三十

葛氏治卒乾嘔不息方

破雞子去白吞中黃數枚卽愈也

又方搗葛根絞取汁服一升許

又方一云蔗汁溫令熱服一升日三一方生薑汁服一升

又方灸兩腕後兩筋中一穴名間使各七壯灸心主尺澤亦佳

又方甘草人參各二兩生薑四兩水六升煮取二升分爲三服

治卒嘔哕又厥逆方

用生薑半斤去皮切之橘皮四兩擘之以水七升煮三升去滓適寒溫服一升日三服

又方萆薢藤斷之當汁出器承取飲一升生葛藤尤佳
治卒嘔不止方

飲新汲井水數升甚良

又方痛爪眉中夾間氣也

又方以物刺鼻中各一分來許皂莢內鼻中令嚏差

又方但閉氣仰引之

又方好豉二升煮取汁服之也

又方香蘇濃煮汁頓服一二升良

道藏輯要

肘後備急方

竟

虛集十

又方粢米三升爲粉井花水服之良

又方用枇杷葉一斤拭去毛炙水一斗煮取三升服蘆根亦佳

治食後喜嘔吐者

燒鹿角灰二兩人參一兩搗末方寸七日三服姚同

治人忽惡心不已方

薤白半斤茱萸一兩豉半升米一合棗四枚枳實二枚鹽如

彈丸水三升煮取一升半分爲三服

又方但多嚼葶藶子及咬檳榔亦佳

治人胃反不受食食畢輒吐出方

大黃四兩甘草二兩水二升煮取一升半分爲再服之

治人食畢噫醋及醋心方

人參一兩茱萸半斤生薑六兩大棗十二枚水六升煮取二升分爲再服也

噦不止半夏洗乾末之服一匕則立止

又方乾薑六分附子四分炮搗苦酒丸如梧子服三丸日三效
附方

張仲景方治反胃嘔吐大半夏湯

半夏三升人參三兩白蜜一升以水一斗二升煎揚之一百二十遍煮下三升半溫服一升日再亦治膈間痰飲

又方主嘔噦穀不得下眩悸半夏加茯苓湯

道藏輯要

肘後備急方

章

虛集十

半夏一升生薑半斤茯苓三兩切以水七升煎取一升半分溫服之

千金方治反胃食卽吐

搗粟米作粉和水丸如梧子大七枚爛煮內醋中細吞之得下便已麩亦得用之

又方治乾噦若手足厥冷宜食生薑此是嘔家聖藥

治心下痞堅不能食胸中嘔噦

生薑八兩細切以水三升煮取一升半夏五合洗去滑以水五升煮取一升二味合煮取一升半稍稍服之

又方主乾嘔

取羊乳一盃空心飲之

斗門方治翻胃

用附子一箇最大者坐於博上四面著火漸逼碎入生薑自然汁中又依前火逼乾復淬之約生薑汁盡盡半椀許搗羅爲末用粟米飲下一錢不過三服差

經驗方治嘔逆反胃散

大附子一箇生薑一斤細剉煮研如麩糊米飲下之

又方治丈夫婦人吐逆連日不止粥食湯藥不能下者可以應用此候效摩丸

五靈脂不夾土石揀精好者不計多少搗羅爲末研狗膽汁

道藏輯要

肘後備急方

豆

虛集十

和爲丸如雞頭大每服一丸煎熟生薑酒摩令極細更以少生薑酒化以湯湯藥令極熱須是先做下粥溫熱得所左手與患人藥喫不得嗽口右手急將粥與患人喫不令太多

又方碧霞丹治吐逆立效

北來黃丹四兩篩過用好米醋半升同藥入銚內煎令乾卻用炭火三椀就銚內煨透紅冷取研細爲末用粟米飯丸如桐子大煎醇湯下七丸不嚼只一服

孫真人食忌治嘔吐

以白檳榔一顆煨橘皮一分炙爲末水一盞煎半盞服

廣濟方治嘔逆不能食

訶梨勒皮二兩去核熬爲末蜜和丸如梧桐子大空心服二十九日二服

食醫心鏡主脾胃氣弱食不消化嘔逆反胃湯飲不下

粟米半升杵細水和丸如梧子大煮令熟點少鹽空心和汁吞下

金匱玉函方治五噎心膈氣滯煩悶吐逆不下食

蘆根五兩剉以水三大盞煮取二盞去滓不計時溫服

外臺祕要治反胃昔幼年經患此疾每服食餅及羹粥等須與吐出貞觀許奉御兄弟及柴蔣等家時稱名醫奉勅令治罄竭各人所長竟不能療漸羸憊候絕朝夕忽有一衛士云

道藏輯要

肘後備急方

三

虛集十

服驢小便極驗旦服二合後食唯吐一半晡時又服二合人定時食粥吐卽便定迄至今日午時奏之大內中五六人患反胃同服一時俱差此藥稍有毒服時不可過多承取尿及熱服二合病深七日以來服之良後來療人並差

又方治嘔

麻仁三兩杵熬以水研取汁著少鹽喫立效李諫議用極妙又方治久患咳噫連咳四五十聲者

取生薑汁半合蜜一匙頭煎令熟溫服如此三服立效

又方治咳噫

生薑四兩爛搗入蘭香葉二兩椒末一錢七鹽和麩四兩裹

作燒餅熟煨空心喫不過三兩度效

孫尚藥方治諸咳噫

橘皮二兩湯浸去瓢剉以水一升煎之五合通熱頓服更加枳殼一兩去瓢炒同煎之服效

梅師方主胃反朝食暮吐暮食朝吐旋旋吐者

以甘蔗汁七升生薑汁一升二味相和分爲三服

又方治醋心

檳榔四兩橘皮二兩細搗爲散空心生蜜湯下方寸匕

兵部手集治醋心每醋氣上攻如醞醋

吳茱萸一合水三盞煎七分頓服縱濃亦須強服近有人心

道藏輯要

肘後備急方

皇

虛集十

如蜚破服此方後二十年不發

治卒發黃疸諸黃病第三十一

治黃疸方

蕪菁子五升搗篩服方寸匕日三先後十日愈之

又方燒亂髮服一錢七日三服祕方此治黃疸

又方搗生麥苗水和絞取汁服三升以小麥勝大麥一服六七

合日三四此酒疸也

又方取藜蘆著灰中炮之令小變色搗下篩末服半錢七當小吐不過數服此祕方也

又方取小豆秫米雞矢白各二分搗篩爲末分爲三服黃汁當